



Senin, 25 Januari 2021

Ogen: Mazmur 23:1-4



"Kelbung Si Gelap"



it sada puisi karo bagenda nina :

Tuhan, i ja aku enda?

L*Tuhan, erkai aku enda?**la kutandai nari bangku

serko aku, lalit simbegikenca

tangis aku, lalit simpesinik aku

Tuhan, ngasa dingan aku bagenda?

gelap tuhu gelap, sedak tuhu sedak

Tuhannnn..ija Kam?

kelbung si gelap enda, erbanca mate pusuhku nandai kam

Enda me sepenggal lirik puisi Karo sipernah iogeken paksa Jumat Simbelin. Arah sepenggal lirik puisi enda, tuhu teridah kel getemna kalak si erdalan bas kelbung si gelap tuhu lanai meteh tujun perdalanen e, ise si banci nemani, ise si erbanca lanai mbiar, uga carana banci nandai Dibata ras uga carana kita ibegiken ras itemani Dibata.

Kitab Masmur 23 enda megati siendeken arah puji-pujinta man Dibata. Singatakenca, Ia me Permakan situhu-tuhu si banci pepuaskan kita ibas kerina dampar kegeluhenta. Adi kita nggo ras Ia, ipelimbaruiNa geluhenta, ipesenang-senangNa kita, la kita kekurangan, lanai kita kebiaren, ikawaliNa kita.

Jadi, kai nari kebiarenta ibas kelbung si gelap e?Dibata ras kita, desken permakan ngkawali biri-biri alu ciken ras kayan-kayanNa. Mari situtup matata, tungkuk kita, rendelah alu setengah sora ras endeken alu lambat Kitab ende-enden no. 307 ayat sipemena saja.

O Tuhanku kam me permakanku..

Emaka la kekurangan aku..

Ku mbal-mbal m'ratah aku babaNdu

Ipesenang-senangNdu geluhku..

Permakanku sinjayam geluhku

Malem ateku senang tuhu

KelengNdu tetap maler man bangku

Kam Me Tuhanku permakanku

Enda me sinerangi ibas kita mentasi kelbung si gelap bas kegeluhenta. Iteguna kita tupung kita bas kegelapen. Adi kam seh kubas ingan si gelap? Uga nge ninta? Jadiken ende-enden ndai jadi respon man banta ibas kegelapen i doni enda